

癸

巳

存

稿

癸巳存稿卷之三

黜俞正變理初

若解書書孔傳後

書庶頑譏說若不在時若爲咸若時之若在爲在璇機之在  
時爲咸若時之時言如不能察此庶頑譏說之人則當侯以  
明之枚孔云眾頑愚譏說之人若所行不在於是而爲非者  
當察之則不在是者亦同庶頑譏說之人若爲內則父母有  
婢子若庶子庶孫取豚若牂以醢若醢醢之若亦卽律文以  
準皆各其及卽若之若律注云其者變於先意及者事情連  
後卽者意盡而復明若者文雖殊而會上意並條述事取此

四字唐律名例六云若者因所陳之事而廣之以盡立法之意變此言彼未離乎此舍內言外未離乎內文雖殊而其意猶會上也漢書惠帝紀云民年七十以上若不滿十歲當刑者皆完之注師古云若豫及之言也謂七十以上及不滿十歲以下豫及卽廣之枚孔言若似律文故廣記之

於爰

爾雅爰粵于邢都錄於也於音若烏皆語助蜉蝣云於我歸處於我歸息於我歸說言於何是我所歸之處及所止息及說舍乎四月云爰其適歸言粵此乃其適歸皆雅訓也王肅作家語改四月爰其作奚其集傳從之則蜉蝣之於不能通

遂言欲其於我歸處歸息歸說而作大全者又引一說云將告以人無遠慮必有近憂庶幾有備無患乃怪語

### 展

爾雅云展適也注云得自申展傳云展其支體言舒布也今按適之也往也如也如其意亦發舒詩適我願兮如其意也詩展如之人兮展我甥兮展誠也信也適的也信也信申也義俱相通適如之適適莫之適皆得爲申故曰展適也得自申展也

### 莫

宋史岳飛傳趙雄韓世忠碑章穎岳飛傳熊克小記俱言秦

檜以張憲岳雲書無據爲韓世忠所詰檜言其書已焚書雖不明其事體莫須有名臣言行錄別集載此語作必須有非也其事體莫爲句如論語文莫吾猶人也文莫爲句左傳昭二十四年陽不克莫將積聚也陽不克莫爲句

註云莫然不動非是蘇

軾與南華辨長老書鐘銘子由莫終當作待更以書問之子由莫爲句王鞏隨手雜錄云潭州神誤錄柳州張新婦綠衣神曰已來將柰何朱衣神曰旣誤莫須放回旣誤莫爲句范公稱過庭錄云种太尉欲斬休息之卒公稱之父問曰太尉何遽若此其人莫未應至是否其人莫爲句此事檜言其事體莫爲一句須有爲一句蓋檜驕蹇反詰世忠謂其事體莫

示若遲疑審度之而復自決言須有故世忠不服橫截其語牽連爲一句言莫須有三字何以服天下此記言之取工者也必須有則三字非奇不足折檜又或解莫須有爲不必無蓋不知莫字絕句也

### 擡

擡拜之擡或作揖說文擡云舉手下手也揖云攘也一曰手著胸曰揖鄭注鄉飲酒云推手曰揖引手曰擡其擡字作厭儀禮擡揖字不分古人揖就位又怒其人則揖起之揖出之若今人拱手謝絕也其入禮節亦止拱手大祝九拜之肅拜不屈身今會典正謂之揖許云手著胸鄭云推手皆與拱手

互相成說文所謂擡舉手下手者屈身手至地古人謂之拜手大祝九拜之空首今會典正謂之打躬鄭謂之引手亦與舉手下手相足蓋舉手至額又下手至地又引舉至額也晉以後儒所言多不可解當以許鄭爲正

唐肆唐園中唐

唐大也莊子田子方篇云求馬唐肆釋文引司馬彪本作廣肆唐廣也管子輕重甲云以唐園爲本利北郭之毗唐園之利十倍呂氏春秋尊師篇云治唐圃疾灌浸務種樹所以尊師也鹽鐵論孝養云葷茹膾臠而後見審老親之腹非唐園惟菜是盛亦謂廣大園圃管子又言黃唐無宜也惟宜黍稷

也亦言黃壤廣濶注以唐爲虛脆於義不合唐人多訓唐爲空由誤於僧說佛語空爲曇音又近唐以說佛書則可中國古書豈有此也唐肆釋文引李云唐亭也亦雙聲字呂氏春秋權勳篇爭金美唐亦言亭肆又中唐爲廷中路莊子列御寇篇孰協唐許言不治家徐無鬼篇其求唐子也而未始出於域有遺類矣言子在中唐遺而不視乃外域求之惑甚

### 管事

樂記云禮樂之說管乎人情矣鄭注云管猶包也荀子富國篇云不富不厚不足以管下也楊倞注云管包也史記秦始皇本紀云趙高曰陛下幸舉在上位管中事李斯列傳云高



入秦宮管事二十餘年言典主樞要荀子儒效篇云聖人者  
道之管也楊注云管樞要也是已秦策云淖齒管齊之權史  
記范雎列傳索隱引此策高誘注云管典也典主也典與當  
近韓非六反云夫當家之愛子管事猶言當家亦是典守今  
言管家猶古言家宰矣史記平準書云擅管山海之貨集解  
張晏云若人執倉庫之管籥漢書食貨志管作幹師古云幹  
主領也與管同又言桑宏羊代孔僅管天下鹽鐵王莽傳云  
以太傳管四輔之事幹卽管也字亦作筦谷永傳云昔龍筦  
納言孝元皇后傳云欲筦朝政是也又分地分事均謂之管  
食貨志云王莽張五均設諸管今保約亦曰某社管

抃

天問云鼇戴山抃何以安之王逸注云鼇大龜也擊手曰抃  
鼇何以有手易童牛之牀鄭志曰在手曰牀牛無手前足可  
以當之古人訓語委曲在不冒失字本義故能簡後人不務  
字訓語簡而意蘊矣

精其神

京城人勸勉出力曰精其神按道藏心印經云上藥三品神  
與氣精人各有精精合其神神合其氣氣合體真太平經云  
人之生也天付以神地付以精中付以氣辨正論氣爲道本  
篇云古來名儒及河上公說老子夷者精也希者神也微者

癸巳存稿

卷三

五

連筠篴叢書  
靈石湯氏集

氣也初疑精其神是精氣神既悟其非也明楊士聰玉堂薈  
記崇禎丙子經筵一條內璫言只是賜晏卽與經了筵一樣  
又嘗見二兵爭門緣相諍以陣了亾再說又見市人通文言  
深究利害使人毛骨竦出然此是一種文理不當非笑之精  
其神經了筵陣了亾竦出然卽詩經楚辭句裏兮字

### 僂

史記高祖本紀云項羽爲人僂悍猾賊僂者僂忽之謂諺云  
僂勁亦曰僂子也嘉慶十四年五月御史花杰參四品卿銜  
郎中查有圻京城謂之查三僂子言其多妄費僂亦曰彪南  
史臧厥傳云百姓謂之臧彪顏延之傳云性既褊激兼有酒

過肆意直言曾無迴隱故論者多不與之謂之顏彪杜崱傳  
云崱父懷珩敵人憚之謂之杜彪或曰彪唐人諱虎改也演  
繁露引詩匪車嘌兮言嘌嘌無節度廣韻嘌讀如杓則今稱  
應曰嘌或亦曰臙子言壯而無義理埤雅云俗說熊羆富脂  
方春臙癢卽登高木自墜謂之撲臙今人畜熊以梃撻之更  
致壯長順治九年十一月刑部辦京城李應試案又別名黃  
臙李三

熏

史記酷吏列傳云舞文巧詆下戶之猾以君大豪索隱云以  
熏逐大豪也案漢書作以動大豪注師古云諷動也動與熏

蓋形近矣杜周傳云欲以熏轅天下轅蓋是燎今諺猶是凡  
熏人者亦曰嚇人也詩桑柔云反予來赫傳云炙也箋云口  
拒人爲赫言汝反來赫我出言悖怒釋文云毛許白反鄭許  
嫁反今推毛訓赫爲炙則亦許嫁反正義云毛轉爲赫言反  
來嚇炙我爲王肅申毛義毛言炙卽史記言焄漢書言熏轅  
荀子富國篇云名聲足以暴炙之是毛義也鄭言悖怒則鄭  
讀爲王赫斯怒之赫赫爲光光而怒則有洸有潰之意亦是  
嚇也莊子云惠子以梁國嚇我此嚇是矜意一義數轉嚇之  
之言炙炙兼炙義也

請

說文云請謁也廣韻上聲云請問謁也說文又云陳楚之間相謁食麥曰餅楚人曰餅秦人曰饌饌相謁食方言作相呼食則相謁相呼卽相請史記吳世家云光伏甲宿室而謁王僚飲此所謂謁與趙世家北登夏屋請代王之請同爾雅釋詁云請謁告也釋言云告謁請也以請釋謁卽以謁釋請說文繫傳云相謁食麥謂相見食麥飯如今人飲茶是不知請謁告呼同訓之義韓非子外儲說左云孔子御坐於哀公哀公賜之桃與黍哀公請用家語子路初見篇作哀公曰請燕禮云寡君有不腆之酒以請吾子之與寡君須臾焉漢書霍光傳云乃悟而請之南粵傳云胡置酒請使者外戚傳云聞

嗇夫有女置酒請之元后傳云置酒長壽宮請太后晉書庾純傳云賈充嘗宴朝士而純後至純自劾云司空公賈充請諸卿校並及臣此所謂請皆相謁食之請也公羊襄三十年傳云火至矣請出韓詩外傳云客有見周公者周公曰請坐此所謂請皆請謁也之請

### 喫酒

漢書于定國傳云定國食酒至數石不亂注如淳曰食酒猶言喜酒也師古曰食酒謂能多飲費盡其酒猶云食言也流俗本輒改食爲飲失其義矣林下偶談云漢書于定國食酒柳子厚序飲吾病痞不能食酒皆以多飲爲食酒按食酒自

可兼如淳解管子牧民云君求之則臣得之君嗜之則臣食之亦言喜而盡之也洛誥云惟洛食是受墨漢書谷永傳云不食膚受之愬據此諸義則亦性能受酒食卽嚙嚙卽嚼續漢書五行志云嚼復嚼者京師飲酒相強之詞也嚼亦作酌說文云酌飲酒盡也說苑善說篇云飲而不酌者浮以大白漢書游俠傳云郭解姊子與人飲使之酌白虎通爵篇云爵盡也各量其職盡其才也嚼酌與盡亦一聲之轉嚼卽嚙今言喫酒喫煙喫茶不關多少也崔國輔詩云但勸提壺沽酒喫杜甫狂歌行云樓頭喫酒樓下臥送李校書云對酒不能喫舊唐書武宗紀云揚州都虞候盧行立劉羣於會昌二年



五月十四日在阿顏家喫酒朝野僉載云則天時謠張公喫酒李公醉謠言云崔昭緯以巨觥飲張曙曰但喫卻待我作宰相與郎君取狀頭北夢瑣言云明宗問宰相曰盧質近日喫酒否無量清淨平等覺經有喫酒則唐時常語卽古之食酒嚼酒也宋人過庭錄云范弇學究酒肆詩云喫酒二斤糴麥一斗磨麪五斤可飽十口又畫墁錄云錢明逸於友人宿戒必詰之曰是筵席是喫酒喫酒客不過三五人酒數斗葢一隻青鹽數粒席地而坐終日不交一談其人怪其語常也杜甫詩但使殘年飽喫飯又梅熟許同朱老喫僧祇律有飲煙則今之喫蘭州煙也郎若閒時來喫茶亦古語也唐逸

史云奚陟夢與朝官二十餘人就一廳喫茶北夢瑣言云悟達禪師揖諸相於僧徹處喫茶元怪錄云馬總謂崔紹非人間茶不可喫陽官茶可喫矣盧仝詩云七椀喫不得亦喫茶也

### 蠶

說文壹部蠶云讀若戚此非今戚音也蠶從蚤聲蚤從又聲戚從未聲古戚蚤同音周官眠瞭注云杜子春讀爲憂戚之戚擊鼓聲疾數故曰戚鋪師注云杜子言春秋傳所謂賓將趨者音聲相似掌固注云杜子春讀爲造次之造是漢人戚促趨造蚤皆同音孟子萬章云舜見瞽瞍其容有蹙韓非子

癸巳存稿

卷三

九

通鑑纂要  
靈石楊氏聚

忠孝云舜見瞽瞍其容造焉是蹙造同音說文寵寵聲是寵  
寵同音而今不同音今蠶宜讀造次之造言字母者云倉厯  
反千厯反皆似是而非

契

說文云契大約也與刻同字刻斷刻識皆是也書序正義引  
鄭君注易書契云書之於木刻其側曰契釋名云書庶也契  
刻也古言刀筆刀爲契筆爲書矣韓非子云契舟求劍後漢  
書劉陶云寬鍤薄之禁契鍤皆刻也

欽

李翌俗呼小名錄云案謂之欽欽讀去聲射經言欽身微曲

又言欽身弛外按此欽卽磬字如磬折也亦作傾傾音同頃  
詩頃筐卽傾筐也其言欽身者但避傾欠文非於欽中別有  
義也釋名釋姿容云欠欽也開張其口欽欽然也說文欠部  
欽云欠貌

### 窯竈

說文欠部窯云羔聲燒瓦竈也字或作窰於六書皆有聲有  
義詩陶復陶穴今西人依山居曰窯又河北言姦盜所居亦  
曰窯實則經史止作陶說文缶部匱云瓦器也加阜者如階  
陛阼陔之義可爲燒瓦竈今陶器存其文阜陶存其音甃言  
窯竈者竈音問亦音媿亦音門蓋卽甃字左傳闕伯比曰雉

有疊又曰天去其疾今窳窳實非病也疊從分得聲俗亦作  
疊文聲楷上下省作疊其音媿者疊疊勉塗其隙如疊屋疊  
器之意音門者鳧鷖在疊金城浩疊潮水三疊言水中之隙  
而浩疊河今呼浩尾河亦呼閃門河是媿門二音古同也總  
言疊耳

貝勒

宋史金史孛堇亦作勃堇今改譯貝勒以勃堇之音未全其  
時音應作勃極烈而金史兵志百官志則似部長爲勃堇官  
長爲勃極烈元人應知金語此語未能明也金在劬里鉢時  
太祖阿骨打初稱都勃極烈太宗初稱按班勃極烈又有國

論勃極烈靖康紀聞大金弔伐錄俱有骨盧你移資勃極烈  
諸版勃極烈松漠紀聞有措版勃極烈阿盧禮移資勃極烈  
愧郊錄有諸版孛極列今知按班諸版措版勃極烈孛極列  
卽大貝勒國論骨盧勃極烈卽固倫貝勒勃極合爲貝烈書  
爲勒勃極烈三音爲貝勒二字也元則祖元皇帝號敖羅勃  
極烈是蒙古貝勒也今貝勒止稱多羅貝勒蓋金人初入中  
原之時止自書孛莖岳飛紹興十年捷奏云五里店金陣內  
一名甲上着紫袍所下尸首并馬鬃上紅漆牌子上題寫阿  
李朵孛莖是名從主人作孛莖之證故金史有太乙孛莖聶  
兒孛莖牙合孛莖忽魯孛莖阿買孛莖乙室孛莖札室孛莖

阿舍字堇戾字堇

一本作吳字堇

迭失字堇初官名未備字堇領兵

岳飛集有女真萬戶少主字堇劉合字堇阿主里字堇章穎  
岳飛傳阿李朵字堇外有邪也字堇撒八字堇李字堇粘汗  
字堇韓世忠傳亦有牙合字堇又見趙雄牌

### 按班

按班如言首領大人金時或對音諸板蔡樟北狩行錄云諸  
板夫人致書太上惠藥物亦求內侍是也後審定爲阿麼巴  
又審定爲昂邦又審定爲按班此兩字乃三合爲阿麼巴取  
審也

### 阿雅

北齊儒林傳宗道暉謁任城王湝湝鞭之道暉徐呼安偉安  
偉其音卽阿雅偉俗書阿呀喂也單字還音者唐人朝野僉  
載郭勝靜不被打阿瘡瘡亦同舊唐書安祿山傳祿山呼李  
林甫爲十郎使奏事回先問十郎何言若但言大夫須好檢  
校則反手據牀曰阿與我死也李龜年嘗效其語元宗以爲  
笑樂阿與卽安偉阿瘡瘡新唐書刪阿與字蓋不知爲單字  
還音語而疑爲冗字也其還音傳鐙錄德山鑒語作阿唧阿  
唧元曲本多作阿囁又作哎哟又作阿燕乾隆二十九年十  
一月二十三日

欽定清語於戲阿燕改阿雅若悲傷之嗚呼卽用哀字哀卽

癸巳存稿

卷三

七

連筠簞叢書  
卷三



唉之還音且兼義也

書盱眙縣志後

盱眙字義爲張目直視眙音同器今讀若怡古所謂南人不識盪屋北人不識盱眙以其讀眙曰臺也盪屋以山形取義盱眙乃單字還音謂義取登山直望者非也盱眙乃古善道春秋襄公五年穀梁傳云吳謂善伊謂稻緩注云善稻吳謂之伊緩今案以善稻爲伊緩自穀梁所聞不審之音還之實則吳言自有本義的音盱眙地自言善爲宜稻爲禾然則吳名宜禾中土聞之爲伊緩又譯之爲善稻又還音爲善道而伊緩又爲緩伊緩伊又爲盱眙盱眙水田爲淮所蝕第見其

山乃言邑可登山直望以近事言之康熙十九年泗州水寄治盱眙山乾隆八年又以水移臨淮於周梁橋移泗州於雙溝十二年自雙溝移治虹縣稱泗虹州旋立虹鄉而州仍稱泗州盱眙山遂在湖中

書釋文後

凡字音異形同者意古止一音聲音遞嬗各就其時語音分之作音訓則當分指之此無可奈何者也如朝廷之朝莊子徐無鬼篇云招世之士興朝呂氏春秋知度篇云凡朝也者相與招義理也則朝廷音招與朝夕一音一義孟子所謂朝將視朝是也或言朝將視朝在一句中禮檀弓我則食食能

一音乎朝將視朝如朔必告朔告朔無二音視朝何當有二音若食食則食其所食葢食肉食稻故不瘠亦不當二音謂食爲飯粥獨非飯乎故一字二音從俗言之不能改若本原則不可不知也又假借字通用字陸加以反語亦非至誼辟之爲字見左傳者立辟則辟法也多辟辟王則偏僻也辟重辟女子則開闢也杜謂辟女子爲避非也辟傳則迴避也辟司徒則壘壁也辟離則圭壁也而左傳民之多辟無自立辟見一處辟重日辟傳見一處辟女子辟司徒之妻見一處各加反切承學苦不易曉多辟當云同僻立辟當云音璧辟重當云同闢辟傳當云同避辟女子當云同闢辟司徒當云同壁以此推

之辟王曰同僻詩之辟王則曰音璧辟雍則曰同璧如此則音義俱了承學又得假借通用古法是聞一知二也陸氏偶未深思耳嘉慶乙亥十月二日書於休寧榮荊堂東窗

### 書廣韻後

廣韻者廣切韻也前有隋仁壽元年歲次辛酉陸法言切韻序言開皇初儀同劉臻等八人同詣法言謂我輩數人定卽定矣今返初服定爲切韻五卷唐天寶十載孫愐唐韻序亦稱陸生切韻盛行於世前列劉臻顏之推魏淵盧思道李若蕭該辛德源薛道衡同修檢隋書陸爽傳云魏郡臨漳人子法言釋褐承奉郎以爽事太子勇子孫屏黜除名卽序所謂

反初服者也其書不見爽及劉臻等傳亦不見經籍志蓋隋時官不采錄唐初書亦未顯唐藝文志始有陸慈切韻五卷疑法言一名慈今提要引唐志云陸法言廣韻五卷唐志實無此文廣韻亦是增廣之稱法言不應先有此名也切韻實用吳音或孫愐等依沈約改之北夢瑣言云李尙書浩全刊吳音欲上之會黃巢亂而止孫光憲又見有韻銓一書亦糾正吳音甚覈當今其書未知存否也法言家法極美劉肅大唐世說新語云陸大同爲雍州司田爲河東令爲雍州司倉大同闔門雍睦四從同居法言卽大同伯祖也則陸爽之遺澤遠矣而唐書孝友傳類序同居地氏亦無之蓋未經旌表

唐陸氏六相皆出吳郡人疑法言亦吳郡陸李涪刊誤云陸法言切韻吳言乖舛上聲爲去去聲爲上趙璘因話錄云人檢陸法言切韻謂吳兒翻字太僻乃不悉名賢事實法言是河南陸非吳郡人也向讀北周書陸通傳云吳郡人魏大統九年賜姓步陸孤氏封綏德郡公庾信步陸逞神道碑云本姓陸吳郡人也今爲河南洛陽人周太祖賜姓步陸氏周謙國公夫人步陸孤氏墓誌銘亦同其言甚怪魏書官氏志云神元時餘部諸姓內入者步陸孤氏後改爲陸氏而此三人乃言陸改步陸蓋其時附託族望法言之陸或實望出吳郡然祖居臨漳仕居長安老與兄弟同居臨漳何能作吳兒語

癸巳存稿

卷三

圭

靈石楊氏集

音也道光辛巳九月十五日

詩韻辨字略跋

漢書東方朔傳齟塗亞牙同韻張晏齟音櫨梨之櫨塗則丈  
加反朔曰塗者漸洳徑是泥塗如今塗榻音也漢書敘傳楚  
人謂虎於擇注云擇字或作菟並音塗蓋擇鐸同音今黦言  
擇樹爲側加切則擇塗菟遮榻皆同韻今齟塗一韻亞牙一  
韻而亞亦讀汙加亦讀姑牙亦讀吾櫨亦讀且是今兩韻古  
一韻然究不知古言從今何韻也墨子公孟篇云問於儒者  
曰何故爲樂曰樂以爲樂子墨子曰是猶曰何故爲室曰室  
以爲室也則音樂之樂與嘉樂之樂周時止一聲朔傳壺者

所以盛與徑命正敬廷定爭爲韻急就章萬方來朝臣妾使  
令漢地廣大無不容盛是于以盛之漢止去聲使令之令分  
爭之爭皆去聲豈與愷凱今不同音詩令德壽豈與零露泥  
泥孔燕豈弟爲韻則愷凱古止讀如豈後漢書邊讓傳歡讌  
既洽長夜向半琴瑟易調繁手改彈清聲發而響激微音逝  
而流散則彈琴瑟之彈正去聲俱不如韻書所言左傳弓朋  
爲韻越絕書終榮爲韻今言亦弓朋終榮同一韻而韻書不  
然是古今俱無當也陸德明經典釋文於詩韻云古人韻緩  
此有韻書後遷就之論實則古今音轉古人各以方言爲韻  
必無檢韻作詩之事謂古韻密者眞一孔之論宋羅大經鶴



林玉露引楊誠齋言吟詠性情奚拘禮部之韻魏鶴山言科舉之外賦詩不必以韻爲檢洪邁容齋五筆亦詆禮部韻略分字絕不近人情爲四聲切韻學者必強爲之說終於非是元吾邱衍閒居錄欲就說文某聲析韻以讀古詩至律詩則各用其時韻此宋元人取通之論然則詩韻止以應試詩韻辨字略又應試者之至寶丹也此板刻於歙紫陽書院今無賣者忽得一本於長沙市上歸翻閱因述其所見如此道光丁亥六月

荅

荅當之荅應以合爲聲其合聲從艸者假借小菽之荅在六

書也宣二年左傳云既合而來奔合卽荅也注亦云合猶荅其合聲從竹者乃隸變之譌隋代俗字廣雅對禽曹憲以爲俗作對荅失之是也爾雅畚然廣雅對畚合聲從田實無此字或謂是說文苜部竹聲之管轉寫作畚亦假借字雖善無徵也張有復古編謂是假借畚字則不善而無徵矣

### 涪

士昏禮公食大夫禮士虞禮大羹涪有司徹有羊涪豕涪少儀云凡有涪者不以齊士昏禮注云大羹涪煮肉汁也今文涪皆作汁說文水部涪云从水音聲與溼相次訓幽溼也而相承音泣按從音之涪當音陰溼之陰不當音泣羅君有高

云涪之音轉液聲亦於古無聞禮之涪字當从肉泣聲廣雅云羹謂之脰卽此涪字涪脰皆古汁字禮經相承作从肉从泣佩觿亦云涪涪有別知禮文傳寫甚久容是說文汁下脫古文涪後人乃讀涪爲汁耳

婢

漢書功臣表昌武侯單德元朔三年坐傷人二旬內死棄市惠氏棟云保辜以二旬爲限歟其說公羊襄七年注保辜有以傷辜死文有辜內辜外文今案漢書宣帝紀詔曰今繫者或以掠辜若饑寒死獄中朕甚痛之則以掠後死者亦計辜期然則辜者自爲責傷義與漢律保辜均是婢文之省說文

辛部辜云罪也女部嫗云保任也依公羊注有辜內辜外漢紀有掠辜死獄中表有坐棄市應是嫗無疑蓋辜是罪嫗是罪人別任狀漢律假辜爲嫗耳顏師古注急就保辜云限內坐重辜如此則保爲任辜爲罪與辜內辜外文不合應云辜內坐重罪則合矣辜權或云當作酤權以今推之亦當作嫗權

𠂔

詩采人其阻箋云采冒也釋文引說文從网今說文网部𠂔米聲重文𠂔亦從𠂔米聲也隸變從冂米聲其義甚通唐石經木上作冂與米上作冂者相去微范耳書手筆迹小移釋

文通志堂本作木上冂抱經堂本作米上冂而唐石經校文謂抱經失之蓋以木上四爲唐時俗字存之爲可喜耳其實楷應米上冂也若作采則是篆从穴从火从求省之隸變說文云深也與箋說不相涉乃毛傳義

### 摹

漢書高帝紀贊云其規摹宏遠矣韋賢傳云其規撫可見師古云撫讀曰摹其字從木蕭望之傳云今將軍規撫師古云撫讀曰模其字從木案無莫同音說文云摹規也旣以撫爲摹則從手亦可

### 禡

禊從示契聲漢以前無此字蓋卽祈字文選曲水詩序注引  
禮傳云禊者絜也仲春之時於水上鬻絜也禮傳不能詳而  
援堯典仲春民析之義續漢志注引風俗通云周禮女巫歲  
時祓除疾病禊者絜也春者蠢也蠢搖動也尙書以殷仲春  
厥民析言人解析也是應劭謂禊有絜析二義禊字東漢人  
所造杜篤有祓禊賦其禊祝曰懷季女使不飡是三女爲徐  
肇事一說始郭虞二女事祈禳自絜濯故謂之禊祠劉昭非  
之然字從示實以祠也晉書束皙傳言周公事或出竹書

禊

召艮箋云米之率糲十稗九鑿八侍御七正義云其術在九

章釋文云率字又作𠂔音類又音律又所律反按顏氏家訓云率字自有律音強改爲別蓋齊周隋唐不識字人野文謬種流傳遂以不刊又如稱旁着爾席下加帶舊內安叩令人氣塞不獨奮奪從龜鼃鼃從龜靈底着器也夫俗便已非俗而不便無乃勞拙乎

準

農田餘語云寇萊公當國凡有文字準此字去十作淮至今不改先宋諸人言之然韻中亦有此淮字莊子有平中淮云云今案淮是準草書見急就章宋順帝諱準昇明中取此字又魏人以淮爲淮水不足不得謂寇準時去十作淮又今字

俗者輒爭曰經子有之不可以爲俗不知俗字當去者正由人以俗字寫經子若俗字寫俗書何足道乎

書金史國語解後

金史國語解諸紮詳穩一條云邊戍之官紮卽軍字詳穩卽長官見遼史按此館臣誤也應云紮卽糾字亦爲紮軍名也遼國語解云紮轄紮軍名轄者管束之義此紮字轄字俱不得爲遼金國語惟詳穩爲金國語耳遼有遙輦紮永興諸宮分紮十二行紮黃皮室紮諸紮中有正丁蕃漢轉丁騎軍諸目軍則名紮軍官則名都紮紮轄亦爲招募新兵亦爲戍兵金史兵志則東北部二路五紮西北西南二路紮軍十其本



意取𠂔聚如元以諸部族兵爲探馬赤軍募集兵爲荅刺罕軍又別有遼東𠂔軍女直軍則糾軍厯三朝不得謂𠂔卽軍字也

𦵏

說文艸部𦵏字卽今芫荽字從俊聲讀如綬漢書地里志太原郡𦵏人縣師古音山寡反按廣韻馬部有𦵏沙瓦切與𦵏𦵏同而𦵏譌作𦵏字彙補又增一𦵏字不可理推矣此等後增怪字亦應有所比附廣韻𦵏云強事言語𦵏云𦵏俏不仁皆應從𦵏而田轉作𦵏又譌作允遂橫牽𦵏字亦入馬韻中而其字爲𦵏爲𦵏爲𦵏又爲𦵏爲𦵏皆俗別也宋人則

作沙江休復雜志云塵俗呼野人爲沙塊永叔戲長文披沙  
揀金又戲馬遵曰舊沙而不俏今俏而不沙吳長文言沙於  
面不沙於心皆以沙爲迂朴韓彥直橘錄則云物小甘美者  
曰沙如沙橘沙瓜沙糖沙蜜之類是南以沙爲美俏北以沙  
爲不美俏語言不同如此元人則以𪔐爲傻角用傻字

### 窰

淮南子地形訓云窰生海人海人生若菌若菌生聖人聖人  
生庶人凡窰者生於庶人又云煖濕生窰注云窰人之先窰  
字不知所從出干祿字書入聲窰窰云上俗下正五經文字  
穴部窰云俗作窰者非則是窰生海人也道藏本作容者生

於庶人一切經音義引倉頡篇於卷五凸體云作突卷九何  
凹云作孰卷十四凸云容墊下也突突也卷十一恐凹云作  
容下墊也凸腹云作突不平也卷十八則凹云作容卷十九  
凹凸云容突卷二十三凸出云作突坳凹云作容據此則突  
者是突卽突凸也言凸生海人凡凸者生於庶人也作容者  
凹也言凹生海人凡凹者生於庶人也呂氏春秋任地篇云  
子能以窪爲突乎注云突理出豐高也則突突義同此凸突  
突之所以譌爲突也凹容皆音近突今笑亦作笑此凹窪容  
之所以譌爲突也

嫋嫋記識語

此三卷是順治年間寫本署元伊世珍撰其文皆市井機鋒挑激相傳明常熟桑悅造悅作庸言一卷以繼孟子者也蓋妄人其書明末始出常熟毛氏刻津逮秘書近張君海鵬刻學津討源墨海金壺借月山房叢書甚精而兼及此書蓋以其爲常熟狂士今覽其書引姚鵞尺牘周達觀誠齋雜記言唐女子足小事又郭霄鳳江湖記聞言石尤風事文筆冗俗如出一手又娜嬛二字不可解所造娜嬛福地事不涉女子似娜嬛字皆當從玉謂琳琅環之字匠筆誤從女好奇者因而不革耳向見明人徐象梅琅環史唾十六卷順治時司業朱滄起琅環類纂一百三十卷字俱從玉又武英殿書目前

庫未載入冊檔書第一架二層瑯環記二本有套東庫南裏  
閒第七架二層瑯環史唾一部八本故典曹溶錄絳雲樓書  
目祁承勛澹生堂書目草元雜俎中載瑯環記俱從玉可證  
也惟高承埏稽古堂日抄中娜嬛記則從女自津逮秘書行  
而從女且爲典故不求甚解矣宋時有唐馮贇雲仙散錄直  
齋解題疑其所引書籍古今未聞孔傳續六帖亦引散錄洪  
邁容齋隨筆謂散錄淺妄孔帖不當引之若瑯環記則文筆  
又在其下散錄自序其家藏書二十餘萬卷此桑氏又不知  
幾十萬卷可怪也

列子天瑞篇云純雌其名大胥純雄其名穉蜂注云大胥龜  
鼈之屬釋文引司馬彪云穉蜂細胥也文義相對說文云龜  
頭與蛇頭同天地之性廣肩無雄龜鼈之屬以蛇爲雄又云  
蟠天地之性細胥純雄亦文義相對則龜說之廣肩定是廣  
胥之誤博物志亦云大胥無雄集韻疑于廣肩改云廣育無  
雄非也

### 偶桐人義

說文偶桐人也說文多言漢制此桐人疑緣江充獄事漢書  
所謂桐木人也漢俗多如此論衡亂龍云李子長爲政欲知  
囚情以梧桐爲人象囚之形鑿地爲埒以蘆葦爲郭藉臥木

囚其中囚罪正則木囚不動枉則木囚動出亦以桐爲偶人  
漢時以桐人爲偶常也韻會厚引說文作洞人也是桐之誤  
嚴氏可均云高誘說偶相人也桐當作相案相人偶見禮注  
高誘說乃是像人文子微明淮南繆稱俱云魯以偶人葬而  
孔子歎淮南注偶人相人也卽史記孟嘗君列傳索隱以土  
木爲之偶類於人之像

書難字後

金山曹君同福宛平王君堂同集字一冊題曰難字皆取之  
學堂字書欲持以難塾師者余覽之多不識審視之則十九  
誤字也按七錄亦有魏張揖難字一卷今廣雅字多奇怪蓋

以隸承篆勢不能合汗簡之屬轉爲楷書不得古意可知加  
以字匠不精讀者奉爲程式轉采轉誤適以惑世渠本有木  
又渠省聲不知何時誤少一筆而巨作戶曲阜有魏張猛龍  
碑其高祖仕大沮渌時俗字也玉篇出一渌字云強魚反擇  
把也蜚蜻蛚也以其得聲不知何時誤多一筆而其作曰大  
集韻出一蠡字云亦作蜚說文陸從光得聲籀文作隲春秋  
昭十七年陸渾公羊當作穢不知何時誤作賁集韻卽列賁  
字入聲力竹反今乃言賁卦上從三十賁渾上從十從廿說  
文反爪爲爪不知何時楷作人傍凡梁四公記注云仇音掌  
魯有黨氏溝音掌孟子母掌氏一作爪卽魯黨氏也今亦作



人旁几至云魏公子仇胥之後魏公子謂梁四公其誤至此  
燕禮祖朱襦从需也不知隋唐字匠何人誤影需爲薦而釋  
文出一禱字宋張淳儀禮識誤據禱以改襦且改喪服注襦  
子室爲孺子室史記秦紀云賀以黼黻兩字從黼也不知隋  
唐以前何時誤作兩耑唐張守節正義云厯代史記本同宋  
婁機班馬字類卽列黼九廣敬八勿法苑珠林卷一百有黼  
字字匠逞奇改黼上爲草而黼作黼音義云黼方矩反同黼  
史記周紀云襄王告急於晉急從及也不知何時及誤作爰  
班馬字類列惡於二十六緝漢書薛宣傳陰陽否帛否在不  
部口部也不知何時誤口作几梁金樓子以屯否字从口爲

不學玉篇列字畫豪釐別者可否从口屯否从几宋人班馬  
字類列禿四紙此漢人所謂壞字方欲整齊之而隋唐以後  
人乃集之以爲楷則又甯寧同也漢書王莽傳永以康甯不  
知何時誤多一筆心作必字書乃言甯從心者獨用從必者  
通寧周官大司樂爲角釋文云古音鹿劉宋謝靈運山居圖  
祿里先生見文選注史記留侯列傳角里先生唐人資暇集  
言孔氏秘記慮將來之誤直書爲祿里繁欽祿里先生訓亦  
書爲祿孔氏秘記者孔安國書見抱朴子及史記索隱是角  
古音祿之證不知何時史記角少一筆毛晃作增韻出一角  
字東都事略齊東野語姓氏急就章及注宋史儒林傳並云

崔偓佺作直講太宗顧謂曰李覺嘗奏朕曰四皓中一先生  
姓或言用上加撇或言加點爾知否對曰臣聞刀用爲角兩  
點爲角一撇一點皆不成字孫奕示兒編云角里之角或作  
角字角乃音覺白珽湛淵靜語云今人以角字中豎長者音  
覺中豎短者音鹿誤也角楷從用實則從肉肉上出二豎爲  
象形蓋毛晃李覺一妄說崔偓佺孫奕一妄說白珽又一妄  
說宋祁校漢書止云當作角其言明白宋元人卻不依之何  
也玉篇云呬噴也讀若栩呬漱養鷹鷗之術其字從本得音  
卽噴之轉附也不知何時誤少一筆而本作木沈括筆談云  
三館書有味漱三卷呬音以麥反又不知何時誤移一筆而

本作朮埤雅云今三館書目有𦵏漱三卷注云𦵏竹淩反同一書目而沈陸二人所見不同當是三館傳寫行草之誤以麥竹淩寫工不辨沈陸皆自負著書之才又漫錄之趙叔向胃繁錄則云見𦵏漱二字初不曉後見夢溪筆談注𦵏以麥反乃知讀書不廣不可妄有詆訾不知讀此等書愈廣愈妄必不當有𦵏以麥反之說也王文簡池北偶談止從沈說吳任臣字彙補則從木作𦵏云以淩切又收一𦵏字云同述蓋以折中沈陸兩說以矜博洽不知沈𦵏以麥木麥相近陸𦵏竹淩朮竹相近吳𦵏以淩萬無可通矣卽用角𦵏𦵏字可知隋唐以後字學之陋不賢識小止資笑耳說文𠂔從入從乚

音爲有亾亦爲亾失唐人語林云有亾之亾一點一畫一乙

亾失之亾中有人觀篆文便知不知是何篆文有此二怪字

欲令人觀之說文欵從欠矣聲不然之辭槽聲欵乃或作藹

迺皆單字還音又有還音作奧霽者柳宗元漁翁曲欵乃校

本云奧藹謂一本作此非謂欵音奧乃音藹劉言史詩閒歌

暖迺深峽裏亦依暖迺各還本音也而郭茂倩樂府解題程

大昌演繁露高似孫緯略姚寬西溪叢語俱誤爲音至冷齋

夜話引洪駒父言勢音奧可爲怪歎反譏世人分欵乃爲兩

字此洪識難字誠多矣然不似讀書人也說文山部𡵓從山

從丌亦書作𡵓沈約藥名詩重臺架危𡵓是也玉篇山部𡵓

云古文危𡵚云同上集韻云危古文作𡵚從山從危省此𡵚  
自音危與說文子結切之𡵚𡵚不同龍龕手鑑山部𡵚云音  
危山名是也廣韻云𡵚烏后切山名在溧陽縣孔齊至正直  
筆云溧陽有𡵚山讀作后字從了從口口犯切溧陽縣志則作  
岳山引周處風土記岳姥得道於此誤從山上已楊慎丹鉛  
錄云桐城𡵚山讀若偶亦作了下口文日繁多皆博雅人語  
實則怪繆正當依玉篇從危省字始可識又搜神記廬江有  
皖樅陽二縣皖從日完聲法苑珠林卷七引皖誤作皖音義  
乃云九究二音此等難字真不當識之至貝卽頰字今姓貝  
者自云音桂或別有所承路史以貝爲燧人四姓之一曰誤

作曰奇姓通遂收一戛字云音因是俗煙字矣又虔字俗作  
戛明人玉堂漫筆云顧玉贈夏國公當作夏音虔說皆奇怪  
廣韻有疑昌戰反壓紺石不知何時字板模糊字彙補收一  
戛字云楚扇切壓紺石又字彙補戛字似是戾火字似是戾  
北末友反復視之皆可憫惻今略就所集者證之前人

切 友 蒲撥切

專軌造字或言金公爲鉛金昆爲銀田夫民爲農百念爲憂  
更生爲蘇兩隻爲雙神虫爲蠶明王爲聖不見爲覩必見爲  
覩豐色爲豔口即王爲國文子爲學言反爲變人先爲老追  
來爲歸同田爲富衣田爲福上曰爲旨士心爲志齊心爲齋  
立心如一日爲恒自大爲臭釘丁審孔之可否爲可賢爲寶

臣

元揚桓六書  
統劉泰序

瓦爲一元

清異錄

漂爲河涑支流之累故從水

從累奴拜不全禮邦從半拜故奴爲邦學教皆從孝孝字卽  
孝字心字左點木右點金上點曉尖爲火下曲鉤翹起爲水  
又短書言宋叶神示古忠恕乃一筆書退檢古名帖忠恕草  
書是中心如一四字是不惟人荒謬叶神亦荒謬也言之津  
津然告以非是卽吼怒不可解自唐以來如此觀書不可不  
慎也嘉慶戊午重陽日書於鶴兒胡同慎德堂北軒

### 記字形狀法書字鑑後

凡記字有法論衡奇怪篇云姜嫄履大人跡跡者基也姓當  
爲其下土乃爲女旁匪別通篇云明帝讀蘇武傳移中監問



百官百官莫知美命隨牒之人木旁多文字且不能知難哉其云其下土女旁匠木旁多記字取爲詳審六朝隋唐人多學之北齊書庫狄干傳云干不知書署干字逆上畫之時人謂之穿錐其狀如見又云有武將王周者署名先爲吉而後成其外顏氏家訓書證篇策竹下施束筴竹下施夾秦權字隗狀作狀貌之狀𠂔旁作犬音辭篇蕭子雲及邵陵王頗行僞字前上爲艸能旁作草長朝野以爲式皆令讀者易曉宋人白獺髓云趙希倉倅紹興判食單問吏茄字如何吏曰草下加乃書爲草下家極似蒙字其記字法亦審且極似蒙字語有斟酌孫奕示兒編云廬陵試聖武爲天下君賦舉人押

君子韻羣作群竟不挂名主文言韻書無群字其言是也恐傳寫者不會其意致錯誤當云羣字羊不在下而在旁竟不挂名則眾曉矣示兒編又云湖南漕試盡字作尺時謂之尺二秀才作尺云云傳寫亦恐致誤不如云作尺下二也近人多作金石題識跋尾尤宜知此法其文始可別傳單行至宋太平老人袖中錦云京師婦人美者謂之搭子女搭子爲好也陋者謂之七謂女子少ノ不成女也此蓋宋之市語如二爲空工九爲未九亦易傳總之求其形狀先定偏旁五代史韓建傳云初不知書使人題其所服器皿牀榻爲其名因日視之乃漸通文字見玉篇喜曰吾以類求之何所不得亦以

偏旁也

與程君式金書

學當知古今之分者天文測算小學聲韻二家劉向之贍雅且以夏厯不合爲僞劉歆引經以證其術後人又以時法說經經義遂晦依經立義則疇人子弟妄爭之杜預釋例曲循經傳其義至通而欲削他人之足以度己之蹟者若劉恕通鑑外紀反譏杜置閏不合不悟此春秋時史官置閏非杜置閏也劉義叟作漢元以後長厯至與通鑑所引諸史日月不合嘗謂以渾說經則亂經以經子證算則亂算必也通古法而後經明必不讀書而後算明此非妄言也少時讀經見正

義中引元嘉大明厯私謂通厯家言必從大明始乃細求之  
覺其言與今不合泛覽史傳又與梁隋以後不合是知經自  
有法鄭以緯說之是也大明自有法劉宋所行者是也算自  
有法今算學生所用者是也言小學者不知聲音遞變好言  
古音南齊書輿服志云伏曼容言三代服色以姓音爲尙漢  
不識音乃尙行運太子僕射散騎常侍等並駁之云曼容何  
故能識遠代之宮商而更迷聖朝之律呂可爲撫掌此後更  
不足糾矣又多不問古人作文字之意略有所聞輒欲執古  
改今又不精審竟成醜謬見人強言字母而自貽於方言致  
彼此不相曉是人不用有言矣更何須有音韻又何問音韻

之當否乎適來數種書惟其有所見是以多窒古人所以惡  
一孔之儒也置之可耳

癸巳存稿終卷之三